



Na osnovu člana 64, stav (1) tačka (b) i člana 70. stav (1), (2), (3) i (6) Zakona o javnim nabavkama („Službeni glasnik BiH“, broj 39/14) i člana 3 stav 1. Odluke o proceduri stvaranja obaveza, broj P-177/08 od 28. marta 2008. godine i broj P-177/08-I od 15. aprila 2009. godine, predsjednik Ustavnog suda Bosne i Hercegovine, donosi

**O D L U K U**  
**o izboru najpovoljnijeg ponuđača**

**Član 1.**

Ugovor za nabavku usluga štampanja omota spisa i ostalog štampanog materijala za potrebe Ustavnog suda Bosne i Hercegovine, zaključuje se sa firmom „SVJETLOST-BH PRINT“ d.o.o. Sarajevo, ponuda broj 18/04, za ponudenu cijenu u iznosu od 1.691,80 KM bez uračunatog PDV-a odnosno 1.979,41 KM sa uračunatim PDV-om, u skladu sa preporukom Komisije za izbor najpovoljnije ponude.

**Član 2.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav (2) Zakona o javnim nabavkama.

**Obrazloženje**

Postupak predmetne nabavke pokrenut je Odlukom o pokretanju postupka broj P3-332/17 od 15. februara 2017. godine. Javna nabavka je provedena putem konkurentskog zahtjeva za dostavu ponuda, a Obavještenje o nabavci objavljeno na Portalu javnih nabavki 4. aprila 2017. godine, broj 514-7-2-60-3-11/17. Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- Da je ukupan broj pristiglih ponuda šest (6);
- Da je blagovremeno zaprimljeno šest (6) ponuda;
- Da je broj prihvatljivih ponuda šest (6);
- Da je broj neprihvatljivih ponuda nula (0);

Komisija za nabavku je nakon izvršenog pregleda prihvatljivih ponuda, po kriteriju najniže cijene, predložila izbor „SVJETLOST-BH PRINT“ d.o.o. Sarajevo, ponuda broj 18/04, za ponudenu cijenu u iznosu od 1.691,80 KM bez uračunatog PDV-a odnosno 1.979,41 KM sa uračunatim PDV-om, kao najpovoljnijeg ponuđača.

Ova odluka objavit će se na web stranici Suda [www.ustavnisud.ba](http://www.ustavnisud.ba) istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**POUKA O PRAVNOM LIJEKU:**

Protiv ove odluke može se izjaviti žalba predsjedniku Ustavnog suda Bosne i Hercegovine, najkasnije u roku od 5 (pet) dana od dana prijema, na način definisan članom 99. Zakona o javnim nabavkama.

Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Broj P3-332/17-I  
19. april 2017. godine  
Sarajevo

Predsjednik  
Ustavnog suda Bosne i Hercegovine

Mirsad Ceman



Dostaviti:

1. Ponuđačima: 6.-
2. Odjelu za finansijske poslove
3. Arhivi